

四庫全書

史部

欽定四庫全書

史部

畿輔通志卷四十一

詳校官監察御史臣劉人容

檢討臣德生覆勘

總校官進士臣繆琪

校對官中書臣范鏊

謄錄監生臣桑英

欽定四庫全書

畿輔通志卷四十一

關隘

正定府

白馬關 在正定縣西北唐書地理志鎮州有白馬

關方輿紀要關臨滹沱河旁有白馬岡因名金大

定中滹沱河決白馬岡關始廢

故關 在井陘縣西三十五里唐書長慶元年裴度

出故關討王庭湊方輿紀要自山西道出井陘此  
為控扼之要自昔置關於此正統二年修築關城  
分兵防戍嘉靖二十二年更營新城二十三年設  
叅將益兵防禦自是常為要地關隘攷故關南北  
山坂回環南連贊皇元氏外通平定樂平所轄口  
凡三十有六府志

本朝順治初設守備戍守康熙三十九年改設叅將

娘子關 在井陘縣西三十里故關北相傳唐平陽

公主駐兵於此因名胡三省通鑑注井陘娘子關  
西出即是平定州方輿紀要明嘉靖二十一年增  
置官兵築城為固與故關相唇齒

井陘關 在井陘縣井陘山上與獲鹿縣接界淮南  
子天下九塞井陘其一史記秦始皇本紀十八年  
大興兵攻趙王翦將上地下井陘漢書陳餘傳趙  
王復使李良畧太原至石邑秦兵塞井陘未能前  
寰宇記井陘山甚險固李左車說陳餘曰井陘車

不得方軌騎不得成列請守之餘不從即此通鑑  
晉太元十八年後燕慕容纘等分道出井陘攻晉  
陽二十一年魏主珪伐後燕潛自晉陽開韓信故  
道遂出井陘趨中山唐書地理志鎮州獲鹿有井  
陘關一名土門關元和志鎮州獲鹿井陘口縣西  
南十里即太行八陘之第五陘也四面高中央下  
似井故名舊唐書肅宗本紀至德元載命郭子儀  
分兵出井陘定河北五代史梁開平四年晉王存

勗命周德威引兵出井陘屯趙州宋史太宗本紀  
太平興國二年車駕自太原幸常山由土門路金  
史太宗紀天會四年宋神師中以兵出井陘完顏  
和尼敗之方輿紀要明初兵自正定而西入井陘  
下平定州蓋太行為控扼之要井陘又當出入之  
衝或以為即故關故關蓋井陘西出之道耳

龍泉關 在阜平縣西七十里有上下二關相距二  
十里方輿紀要下關正統二年建景泰二年又於

迤西北築上關城天順成化間皆添設官兵戍守  
嘉靖二十五年改築關城守禦益密關隘攷龍泉  
關東北至倒馬關百五十里西至山西五臺縣百  
八十里自關南北沿山西界各數百里所屬隘口  
六十餘處皆與山西分列官軍戍守

泉水頭口 在井陘縣西南九十里北至故關六十  
里關隘攷自泉水頭以下凡二十三口俱為故關  
南路而泉水頭備禦尤切明嘉靖二十一年特設



官兵防守

達滴崖口 在井陘縣西北五十里娘子關西北與山西孟縣接界東南至故關六十里關隘攷自達滴崖以下凡十二口為故關北路正統四年達滴崖置戍嘉靖二十四年復增兵防禦

大石板溝口 在元氏縣西六十五里北至倒馬關三百六十五里有土城又短嶺口在縣西北七十里蒼巖道嶺口在縣西北八十五里俱有石墻一

道明嘉靖中俱置戍

葦泊嶺口 在元氏縣西八十里北至故關八十里

有城明正統四年設嘉靖中增兵戍守又青峪嶺

口在縣西七十里亦有城置兵戍守

車孤駝口 在靈壽縣西一百五十里北至龍泉關

一百四十里明正德二年建城置戍

白草溝口 在靈壽縣西一百四十里北至龍泉關

一百二十里明正統二年置戍

惡石口 在平山縣西北百四十里滹沱河自山西  
經此入縣界川原平敞最為要害明景泰三年築  
城置戍

鷓子崖口 在平山縣西北二百里北至龍泉關一  
百七十里明正統九年設嘉靖中增兵守禦關隘  
攷自鷓子崖以下凡二十四口為龍泉中路

十八盤嶺口 在平山縣西一百二十里東北至龍  
泉關三百里明正統二年築城置戍嘉靖中增兵

防守關隘攷自十八盤以下凡二十一口為龍泉南路而十八盤口尤為要害

陡撞溝口 在阜平縣西北一百里南至龍泉關四十里明嘉靖二十二年置關隘攷自陡撞溝以下凡二十一口為龍泉北路

吳王口 在阜城縣西北一百里東北至倒馬關三百二十里明弘治十二年築城置戍關隘攷自吳王口以下凡十九口為倒馬南路

落路口 在阜平縣東北一百五十里東北至倒馬  
關九十里明正統四年築城置戍關隘攷自落路  
口以下亦屬倒馬關南路

狼牙口 在阜平縣東北一百里東接曲陽縣界去  
倒馬關六十里三關外牆至此與內牆合為一方  
輿紀要元太祖十二年金將張柔趨中山與戰於  
狼牙口即此

黃沙嶺口 在贊皇縣西北黃沙嶺下北去故關一

百里有巡司

後溝口 在贊皇縣西南十里至故關一百十里至

龍泉關五百十里至倒馬關六百八十里道里記

內三關邊牆至後溝口而始竟云

城上堡 在藥城縣北二十里今名冶河堡又縣南

十里有東鞏堡東十二里有城郎堡西十五里有

陳村堡為縣四境之捍衛

賈老營堡 在行唐縣南十五里又縣北二十里有

羊觀村堡

慈峪鎮 在靈壽縣北五十里舊置巡司於叉口頭  
鎮後移此仍名叉口頭巡司有土城防守

回舍鎮 在平山縣西二十里明嘉靖二年築今復  
修治

郭蘇鎮 在平山縣西北四十里有土城明嘉靖中  
築

天長鎮 在平山縣滹沱河東北方輿紀要唐景福

初李克用及義武帥王處存合兵攻成德帥王鎔  
拔天長鎮即此

兩嶺口鎮 在行唐縣西北七十里有巡司

嘉祐鎮 在行唐縣東金史地理志行唐有嘉祐鎮  
縣志縣東有嘉牛鎮蓋即嘉祐之訛

茨溝營 在阜平縣西北百二十里吳王口外舊曰  
茨溝村南有扒背銀河村胡家莊柳樹村天橋兒  
蓮子崖等處山中皆產礦砂明嘉靖二十五年礦



徒嘯聚於此設巡司防守

本朝設守備以時稽察

白眉寨 在井陘縣西南三十五里據山為險形勢

雄峻有天橋樵採者仄足而渡又西南為牛欄寨亦曰牛山寨四面陡絕上有清泉流繞又五峰寨在故關東北三十里有五峰相峙故名又陳山寨亦在故關北高峻崎嶇險不可攀

方嶺寨 在獲鹿縣西南西屏山麓又高公寨亦在

縣西南三十七里

三公寨 在元氏縣西七十里其相近有鹿臺等十餘寨皆連接山西界

瑜珈寨 在平山縣西八十里孤峰挿雲宛在天表下視三門塞如培塿

三門寨 在平山縣西百里山勢險峻峰頂平曠又仙人寨段樹寨韓信寨皆在縣西又林山寨在縣北二十里

神臺寨 在阜平縣西北吳王口外又火頭寨亦在

縣西

天臺寨 在贊皇縣南三十里其山壁立絕頂有二  
泉又石人寨在縣西六十里雙門寨在縣西北五  
十里

紅子店 在平山縣西六十里有集

本朝順治十年築石墻為衛又南店在縣北三十里亦  
有集

半壁店 在行唐縣南十里有墩臺

宋曹村集 在元氏縣東南二十里其西有堡周一

里許明成化中築又南集在縣西北四十里明季

於村西北角築堡

范臺村 在欒城縣東十里有舊臺址范水出焉

下口村 在平山縣西一百二十里明洪武中置巡

司今裁

南蘇堡 在新樂縣東南三十里又壘頭堡在縣東

十五里張家莊堡在縣西南四十里馬頭鋪堡在  
縣南二十五里四堡俱有城池墩臺為戍守之地  
東里堡 在晉州南二十五里又總管堡在州南四  
十里

城堡 在晉州東北二十里又東十八里有小侯橋  
堡

東村堡 在無極縣西南三十里又縣東有流村堡  
西有北蘇堡北有郭莊堡

許春壘 在藁城縣西北隋書地理志九門有許春壘府志在九門故城南

平將軍壘 在藁城縣北十二里明建文中平安屯兵處

叉頭村 在藁城縣西北七十里舊置巡司於此今廢

順德府

黃榆關 在府西北五十里黃榆嶺上石磴盤旋形

險道峻為衝要地明正統間設重兵防守於此今廢

燒梁關 在內邱縣西晉地道記中邱縣有燒梁關方輿紀要關為昔控扼之處明時亦設兵於此戍守

馬嶺口 在府西北一百六十里居民千家山勢頗險下有澗溝二十餘丈名曰鬼谷相傳為王詡藏修處其南六十里為清風嶺口山勢高聳盛夏無

暑氣二口皆有闕牆為明時戍守處與黃榆關相犄角

陳宋口 在府西黃榆嶺北薛居正五代史梁乾化三年晉將周德威自邢州陳宋口踰漳水而東方輿紀要嶺下多陳宋二姓因以為山口之名也

數道巖口 在沙河縣西一百五十里溝澗旋繞數層故名其東十里為大嶺口其西三十五里為黃背巖口皆有闕牆舊為兵防要口



鶴度嶺口 在內邱縣西百七十里山頂最高惟鶴  
可度故名其北二十五里為錦繡堂口又北十里  
為雲凹口皆接山西樂平縣界

黃寺堡 在邢臺縣西北四十里又宋家莊堡在縣  
西北一百里俱明時大名兵備防秋處

原莊堡 在鉅鹿縣西南十五里往來所經商旅輻  
集舊有小城可以守禦又張王疇堡在縣南上疇

村堡在縣北

孝路堡 在廣宗縣南二十里周二里濠廣一丈又有板臺堡在縣北二十五里周二里有奇濠廣一丈五尺俱明嘉靖二十一年建

金堤堡 在內邱縣東十里又官莊堡在縣東尹村堡在縣北清修堡在縣西北皆明嘉靖二十年知縣杜世爵建

綦陽鎮 在沙河縣西四十里九域志沙河縣有綦村鎮鐵冶務金史地理志沙河縣鎮一綦陽舊志

宋皇祐四年置鐵冶司於此有冶神祠

常河鎮 在平鄉縣東北其相近又有節固高阜二鎮皆明嘉靖二十一年築堡

團城鎮 在鉅鹿縣東北四十里金史地理志鉅鹿縣鎮一團城舊志民居環繞如團故名

銅馬鎮 在鉅鹿縣北七里漢光武破銅馬賊處也  
縣志鎮有銅馬祠祀漢將馬武

新店鎮 在任縣東三十五里金史地理志任縣鎮

一新店

腰水寨 在府城西北黃榆嶺口地極高峻其上平  
濶惟一徑可通腰半有水因名

香爐寨 在府城西北百里黃榆嶺北峰巒高峻狀  
如香爐其北即贊皇縣界

秦王寨 在沙河縣西北九十里相傳秦王敗竇建  
德於此

東新寨 在南和縣北又有西新舊果新果八角等

寨

石門寨 在內邱縣西北晉地道記中邱縣有石門寨方輿紀要五代初晉王存勗自石門趨鎮州即此

戴家砦 在沙河縣西一百里形勢高峻止一徑可通其上平原廣濶中有一池雖旱不涸

宣務柵 在唐山縣西北宣務山下唐昭義鎮所置戍守處也舊唐書會昌三年劉稹以澤潞叛詔諸

道兵進討成德帥王元逵奏拔其宣務柵因進攻堯山方輿紀要柵在堯山東麓與縣相唇齒

唐店 在廣宗縣南五代梁乾化三年鎮冀將王德明自臨清攻宗城下之梁魏州帥楊師厚伏兵唐店邀擊德明大敗即此

西王社 在邢臺縣西七十里明崇禎六年設巡司於此

廣平府

臨洺關 在府城西五十里本隋臨洺縣治宋元祐  
中廢為鎮明嘉靖間重築新城設分司通判舊有  
巡司今裁

車騎關 在州北三十里有城明弘治十四年築舊  
置巡司今裁

石牌口 在永年縣西二十里

牛家堡 在永年縣南二十里

香城固堡 在曲周縣東北六十里接威縣界又大

目寨堡在縣東七十里接山東臨清州界又侯村  
堡在縣東南四十五里接山東邱縣界又大砦堡  
在縣東北一百里接清河縣界

馬羅堡 在曲周縣東北五十里元時安仁鎮明改  
今名

南陽堡 在肥鄉縣東三十五里又毛演堡在縣北  
十八里

郭方堡 在成安縣東二十里又鄭家莊堡在縣東



南二十五里又閻村堡在縣東北十八里又北漳堡在縣西北十二里

焦家堡 在廣平縣西北三里又孟固堡在縣西十里俱有燧臺

東韓村堡 在廣平縣東十八里又平固堡在縣東三十里亦俱有燧臺

河沙堡 在邯鄲縣東南二十五里又王化堡在縣北二十里戶村堡在縣西二十里俱有城置戍

邵固堡 在威縣東宋崇寧中嘗移廣宗縣治此又  
七級堡在縣北章華堡在縣東北

浮圖店堡 在雞澤縣西十八里堡城周三里又小

寨堡在縣南十八里周四里外皆有濠

謝爐堡 在清河縣東南十二里堡城周一里有竒  
高二丈外有池商民輳集又蓮塚堡在縣東北二  
十五里高廣與謝爐等

王家莊堡 在磁州南

黃龍鎮 在府城西南通鑑唐光化三年朱全忠將  
葛從周擊洺州自鄴縣渡漳水營於黃龍鎮金疆  
域圖永年縣有黃龍鎮

大繇鎮 在永年縣東二十五里又曲陌鎮在縣北  
三十里舊皆有城今圯

新安鎮 在肥鄉縣西二十里又翟固鎮在縣東八  
里新寨鎮在縣東三十里皆有堡

平恩鎮 在曲周縣東南金史地理志曲周有平恩

鎮府志今名程孟集

新鎮 在廣平縣南十里

大趙鎮 在邯鄲縣東九域志邯鄲縣有大趙鎮府志縣東南二十里有代趙鎮蓋即大趙之譌

寧化鎮 在清河縣西南古黃河濱

臨水鎮 在磁州西四十里又彭城鎮在州西十五

里冶子鎮在州西八十里又昭德鎮在州西北臺

城鎮在州北

二祖鎮 在磁州東四十里

舊店營 在肥鄉縣東十八里縣寄治於此又焦家營在縣南十五里

馮家營 在廣平縣南九里

吳官營 在雞澤縣東八里今有集又孫家營在縣南三十里

二哥營 在清河縣東南四十里御河濱

善兒寨 在永年縣東十二里又閻胡寨在縣東二

十里張兒寨在縣南八里

駙馬寨 在雞澤縣東二十里

潘兒寨 在廣平縣東三十二里又縣東北二十四

里有周九寨三十里有常兒寨三十二里有新寨

三十五里有李官寨打虎寨四十里有王九郎寨

四十五里有孟思寨又縣西北三里有紀家寨縣

北三里有侯固寨

黑闥壘 在府西南十里方輿紀要唐劉黑闥據洺

州時所築因名

油房集 在清河縣東二十五里御河濱為往來孔

道

陳義村 在府城東十里永年縣諸水皆由此流入

雞澤縣界

張臺村 在威縣東北舊設經鎮巡司於此今裁

大名府

臺頭堡 在府城南門外方輿紀要其地有高臺相

傳為魏惠王拜郊臺

儒家砦堡 在府西北四十里又黃金堤堡在府東北三十里

沙口堡 在魏縣東二十里西附邑東倚郡為衝要之所明嘉靖中建

主簿寨堡 在清豐縣東南三十里又許村堡在縣西南三十里馬村堡在縣東北二十里城皆周一里有竒可以守禦



慶祖堡 在開州西南二十五里又呂邱堡在州西南五十里又并寨堡在州西北七十里衛水硝河環其左右

清河堡 在開州東又東有柳家屯堡文留堡又州東南有八公橋堡徐鎮堡

小灘鎮 在府城東北二十五里御河濱方輿紀要自元以來為輓輸要道舊志河南漕運以此為轉兌之所明初設巡司嘉靖三十七年又設稅課司

於此今省

東館鎮 在府城東六十里以有東哲廟而名

李固鎮 在魏縣東南通鑑唐文德元年朱全忠自

白馬濟河下黎陽河李固三鎮九域志魏縣有李

固鎮

雙井鎮 在魏縣東南三十里當漳衛合流之衝舊  
有糧廳為本縣收運處今改折色廳廢

北阜鎮 在魏縣西南三十里與廣平府成安河南

彰德府臨漳二縣接壤明嘉靖三十年築城

回龍鎮 在魏縣西南六十里相傳宋真宗回鑾經

此因名

韓家鎮 在南樂縣東二十五里金史地理志南樂

縣有韓家鎮

土樓鎮 在開州西方輿紀要劉宋永初末北魏將

奚斤拔宋滑臺進擊翟廣於土樓九域志灤州臨

河縣有土樓鎮

古定鎮 在開州東南六十里舊志舊置巡司俗稱

小濮州

大岡鎮 在長垣縣東南七里有巡司明洪武初

置

蒲潭營 在魏縣西南四十里其相近有倉口申輜

郝村等營

黃軍營 在東明縣西南明洪武初宜春侯黃彬屯

軍於此因名

羅兒寨 在清豐縣東二十里又沙閣寨岳兒寨漢  
兒寨皆在縣東三十里又霍子寨山留寨皆在縣  
東四十五里又縣東南有曼家寨及杜家胡家等  
寨

西店 在府西北三十里有集漳河舊經此

杜勝集 亦曰杜勝砦在東明縣南六十里明弘治  
六年設通判主簿各一員董理河務嘉靖中裁

本朝順治年設守備一員把總二員并設巡司於此

裴子砦集 在東明縣南五十里與長垣縣連界

白茅集 在長垣東一百二十里元賈魯治河始此

斂孟聚 在開州東南左傳齊侯晉侯盟於斂孟即

此

楊村 在開州西南十五里薛居正五代史梁貞明

五年晉王軍於德勝王瓚據上游十八里楊村夾

河築壘方輿紀要村在州西南舊時大河要口也

趙征村 在開州東北即宋六塔河口也宋至和中

修六塔河內侍劉恢奏六塔河口乃趙征村於國  
姓御名有嬾方輿紀要今其地亦名趙村舖

### 宣化府

飛狐關 在蔚州東南與易州廣昌縣連界即飛狐  
口也漢書酈食其說漢王曰請塞飛狐之口晉中  
興書建興中劉琨自代出飛狐口魏氏土地記代  
城南四十里有飛狐關元和志蔚州飛狐縣以縣  
北飛狐口而名寰宇記飛狐道北入媯州懷戎縣

界即古飛狐口也明志飛狐口相傳有狐於紫荆  
嶺食五松子成飛仙故名舊志飛狐口在蔚州東  
南六十里北口在州南三十里

隘門關 在蔚州西南即古隘口也寰宇記蔚州隘  
門山亦曰隘口壁立直上層崖刺天有古道極險  
隘後魏明元帝置義倉於此明志隘門關在蔚州  
西南四十里今名石門口置巡檢司

協陽關 在保安州西南魏氏土地記下落城西南



九十里有協陽關西通代郡方輿紀要代郡今蔚州境也

美峪關 在保安州南六十里明置美峪守禦千戶所在保安衛西景泰二年移此其西南接蔚州界獨石口 在赤城縣東北一百里其南十里為獨石城本元雲州之獨石地明初建城周六里有奇門三宣德五年移開平衛於此景泰三年設上北路叅將駐此

本朝康熙三十二年併衛於赤城縣仍設叅將駐防亦曰獨石路口外為太僕寺牧廠察哈爾遊牧處及阿霸垓諸旗分地

張家口 在萬全縣東二十里其南五里為張家口城明宣德四年築周四里有奇門二嘉靖中改築周三里有奇城外有池天崇間為互市之所

本朝為張家口路設叅將駐防康熙二十九年增設副將雍正三年增設張家口同知口外為禮部太僕

寺牧廠及察哈爾官兵阿霸哈納爾等諸旗分地  
九宮口 在蔚縣東南四十里九宮山側明洪武九  
年置巡司後廢又口東永寧松子二口明永樂十  
三年塞

興寧口 在蔚縣東北一百二十里明永樂中置巡  
司天順間徙於北口今廢

丁寧口 在西寧縣東南方輿紀要丁寧口相近又  
有鰲魚水峪二口嘉靖中余子俊所云順聖川東

城三隘是也

岔道口 在延慶州南二十里明宣宗實錄宣德五年巡邊駐蹕岔道方輿紀要自八達嶺而北地稍平五里至岔道有二路一自懷來至宣府為西路一自延慶州至四海冶為北路八達嶺為居庸之噤吭岔道又八達之藩籬也舊志明嘉靖三十年築城於此周二里有竒有西南北三門

黑峪口 在延慶州東北方輿紀要口西為白草窰

等處要衝也

馬水口 在保安州西南一百六十里接涑水縣界

詳保定府又天津口在州東南與宛平縣接界

沿河口 在懷來縣南一百三十里桑乾河口也接

宛平縣界

詳順天府

東城 在西寧縣東六十里本遼奉聖縣地明初廢  
天順四年築城周四里有竒謂之順聖川東城為

戍守處

本朝初為宣府鎮南路康熙三十二年設守備駐此

保安衛城 在懷來縣西北七十里明初為雷家站

景泰二年於此置保安衛

本朝康熙三十二年以衛并入懷來縣設叅將駐此

永寧城 在延慶州東四十里明永樂十一年置永

寧縣屬隆慶州十五年又於縣置永寧衛屬宣府

鎮

本朝順治十六年并縣入衛康熙三十二年又併衛入

延慶州今為永寧路都司駐守城周六里有奇門

四

萬全左衛 在懷安縣東六十里元為宣德府地明  
洪武二十六年置萬全左衛三十年徙廢永樂二  
年復還故治屬萬全都指揮使司

本朝初屬宣府鎮西路康熙三十二年以衛地併入懷  
安縣設守備把總駐此城周六里有奇門二

龍門所 在赤城縣東三十里本元雲州之東莊地

明宣德六年設千戶所築堡周四里有竒門二萬  
歷十八年設下北路叅將駐此

本朝順治九年裁叅將設守備駐此

雞鳴驛堡 在府城東南六十里明永樂十六年設  
站於此因雞鳴山為名十七年因民堡增築周四  
里有竒為鎮城入京要路

本朝設把總駐守

深井堡 在府城南少西六十里明正德五年築周



三里有奇設守備把總各一員

本朝康熙三十二年裁守備

葛峪堡 在府城北五十里明宣德五年築周四里有奇中路叅將駐此

本朝改設守備

長峪口堡 在府西北四十里亦宣德間置周三里有奇其西二十里為青邊口堡又西南四十里為羊房堡與張家口接壤

本朝順治八年三堡皆併入葛峪堡

寧遠站堡 在府城西少北四十里明永樂初設站

置堡周三里有竒又洋河堡在府南五里水泉堡

在府南四十里榆林東中西三堡在府北三十里

雙營堡在府東北四十里

滴水崖堡 在赤城縣東八十里明弘治八年築周

三里有竒東去大邊二十里即密雲縣古北口之

後也

本朝設守備於此其東為寧遠堡又東北為長伸地堡  
又東南為牧馬堡漾田堡皆明所築今廢

鎮寧堡 在赤城縣西北三里明弘治十一年築周  
二里有竒舊設守備

本朝康熙元年改設把總

馬營堡 在赤城縣西北六十里元為雲州之大猫  
兒峪明宣德七年築堡隆慶中增修周六里有竒  
門四為鎮守要地

本朝設把總駐此其西為松樹堡又西北為君子堡其東南為倉上堡亦皆明時所築

雲州堡 在赤城縣北三十里本元雲州地明洪武初廢州置驛宣德五年築城置戍景泰五年增設千戶所後又設上北路叅將駐此

本朝改設守備城周三里有奇門二其北二十里為貓兒峪堡又二十里為半壁店堡俱明嘉靖間築今廢

鎮安堡 在赤城縣東北五十里明成化八年築周二里有奇

本朝設守備駐此又清泉堡在縣東北方輿紀要山下有清泉湧出繞堡而東因名今廢

新河口堡 在萬全縣西北四十里明宣德十一年築周二里有奇

本朝設守備駐此

洗馬林堡 在萬全縣西北七十里明宣德七年北

巡駐蹕於此十年築城置戍隆慶五年增修周四里有奇門二

本朝設守備駐防

膳房堡 在萬全縣北二十里明成化十五年築嘉靖十二年增修周二里有奇

本朝設守備駐此又來遠堡在縣東張家口北五里

上莊堡 在萬全縣北方輿紀要明永樂中車駕常駐蹕於此

鵬鶚堡 在龍門縣東四十五里本元雲州之雕窠  
站明初置浩嶺驛永樂中改鵬鶚堡築城置戍隆  
慶四年增修周二里有竒

本朝設把總駐守方輿紀要堡當北路之中為往來要  
道

長安嶺堡 在龍門縣東南九十里明初置豐峪驛  
永樂九年築城置戍改今名弘治二年增置守禦  
千戶所

本朝設守備駐此城周五里有奇邊防攷堡地東西跨  
嶺中通一線旁徑逼仄居庸而外此為重關之險  
龍門關堡 在龍門縣西二十五里明宣德三年築  
萬曆十三年增修周二里有奇關門在堡東五里  
又三岔口堡在縣東十五里金家莊堡在縣西北  
七十里三堡皆

本朝順治八年省

趙川堡 在龍門縣西五十里明宣德五年築隆慶



後改磚城周四里門二城外有濠

本朝設把總駐守其東八里為白廟堡又北二十里為大白陽堡即唐媯州之白陽鎮也又東少北為小白陽堡今俱省

榆林驛堡 在懷來縣東南三十里元置榆林驛明初因之正統末築堡周二里有竒

本朝設把總駐守方輿紀要堡初置於懷來衛東羊兒峪北明正統末改築於此舊志堡東至延慶州岔

道口二十五里至居庸關五十八里其南即昌平之白羊口為控扼之所

土木驛堡 在懷來縣西南二十五里本名統漠鎮唐初高開道據懷戎時所置後訛為土木明永樂初置堡正統末車駕駐此北狩堡遂毀嘉靖四十五年就故堡修築周二里有奇

本朝設把總駐守邊略堡東北至延慶州八十里西至保安州四十里地界相錯當往來之衝為襟要之

地

草廟堡 在懷來縣土木堡北三十里

桃花堡 在蔚縣東北九十里明嘉靖四十四年築

周二里門二設倉置遞

本朝設把總駐守其西南三里為雅澗堡東北五里為

後營堡

黑石嶺堡 在蔚縣東南黑石嶺上明正德三年築

周二百四十步

本朝設把總駐此

三泉堡 在西寧縣東南二十里

西陽河堡 在懷安縣西北明正統五年建萬曆三年展築周四里有竒門四為府境極西西北與大同平遠堡接壤四面皆邊舊稱衝要

本朝設守備駐此

李信屯堡 在懷安縣西北三十里明嘉靖十六年築萬曆十八年增修周二里有竒西北去大同永

嘉堡十里方輿紀要其地有兩山對峙為宣大交錯之所

柴溝堡 在懷安縣北五十里明正統二年築周七里  
里有竒門三城外有池嘉靖中增設叅將駐此

本朝改設守備其西南二十里為渡口堡明弘治九年  
築接蔚州界

會河堡 在懷安縣東北萬全左衛西即東南二洋  
河合流處也方輿紀要堡為遼金時所置宋嘉定

四年蒙古敗金人於會河堡即此

四海冶堡 在延慶州東永寧城東六十里明天順八年築周三里有竒弘治七年徙永寧左千戶所屯守

本朝以地併入延慶州設守備駐此方輿紀要舊為冶鑄之所以有四水合流名四合冶元時往來上都恒取道於此後遂謚為四海冶

周四溝堡 在延慶州東永寧城東三十里明嘉靖

十九年築周二里有奇門一

本朝設守備駐此其西南十八里為劉斌堡東南五十里為黑漢嶺堡俱明嘉靖中建

靖安堡 在延慶州東永寧城北三十里明嘉靖三十五年築周二里有奇門二

本朝設守備駐此方輿紀要堡北阻山東西南三面臨河稱為險要

礮山堡 在保安州東南六十里即礮山故縣也明

初築堡周三里萬曆七年設兵戍守

本朝設守備於此

麻峪口堡 在保安州南當龍門南口明洪武二十五年築萬曆七年增修周一里有竒邊防攷堡傍有紅站口為險隘之地

良田屯堡 在保安州東五十里為居民屯聚之所明洪武二十五年築隆慶四年增修設兵戍守又東十里為沙城堡其相近又有二堡相連曰沙城



中堡東堡又東八里堡在州東北四十八里西八里堡在州東北三十里又石甕堡在州南三十里  
岔道堡在州南四十里

弘陽鎮 在延慶州西南三十里唐初高開道所置  
唐書武德六年高開道所部弘陽統漠二鎮來降  
寶峰川鎮 在保安州東南其相近有蔡樹安豺狼  
峪莊窠澗等口南達大龍門不過一二十里與宛  
平涑水接界

固城鎮 在保安州南舊志唐媯州有固城鎮與易

州分界

朱家營 在龍門縣西五里

西白馬營 在西寧縣東十五里入東一里為東白  
馬營

柳溝營 在延慶州東南十五里明嘉靖中置城於  
此設兵防守方輿紀要營東北有礮砲兒韓家口  
柳溝口海子口入東南為大小紅門口皆防禦處

也

大兵馬營 在延慶州西南二十里

牙頭寨 在赤城縣北明初華雲龍出雲州襲元兵  
於牙頭砦即此地也

蟒山寨 在延慶州東南二十里蟒山上山形如蟒  
寨據其巔又招帖寨在州北二十里

檐車砦 在保安州西南宋嘉定十三年靖安民出  
兵至砦山取檐車寨即此

李家莊 在赤城縣龍門所東北其北有萬松溝

右所屯 在懷安縣西南十八里又王虎屯在縣西

二十里水閘屯在縣北二十五里

三馬房 在西寧縣東城東十五里又四馬房在縣

東七馬房八馬房在縣西

易州

紫荊關 在易州西八十里即漢之五原關也一名

子莊關宋時亦曰金坡關方輿紀要紫荊關宋人

謂之金坡關後以山多紫荆樹改名為

京師西偏重地舊志紫荆一關當居庸倒馬間實為輔  
車之勢明正統間設守備防禦嘉靖間改設叅將

後築紫荆關新城陞叅將為副總兵

本朝康熙三十二年改設叅將

乾河口關 在涑水縣北五十里又六都關白馬關

龍門關俱在縣北

磐石口 在易州西九十里去紫荆關十里又西二

十里為搭捩口舊置巡司又周二溝口瓦窰安口  
蔡家峪口俱在磐石口東西小龍門口黃沙口烏  
龍溝口皆在磐石口西南六十里烏龍溝口接廣  
昌縣界口外要衝也

奇峰口 在易州西北四十里內去紫荆關四十里  
外去金水口六十里舊置巡司今廢又東北二十  
里曰官坐嶺口又東北三十里曰東峪口又西南  
二十里曰剗峭嶺口又西五十里曰茶窩口又西

北五十里曰峰門嶺口又沙峪口去奇峰口四十里東馬湖口去奇峰口五十里

馬水口 在涑水縣西北二百里北接宛平縣界明

永樂八年設守軍於此景泰二年創建北門正城又建圍城於北嶺上嘉靖中設守備把總各一員舊志馬水口山勢雄壯巖岫相連峰巒互出兼之林水陰翳溪徑轉折東至京師二百八十里實為右輔

拍連澗口

在涑水縣西二百五十里又二十里曰

道水口又十五里曰定樂安口又北五里曰大龍

門口接宛平縣界

寧靜庵口

在廣昌縣東三十里路通易州明景泰

三年築城

白石口

在廣昌縣南二十里路通正定保定明嘉

靖三十年築

飛狐口

在易州城東六十里隸廣昌縣酈食其說



漢高祖塞飛狐之口即此東北即蔚州黑石嶺界

金坡鎮

在易州西五十里明洪武中置巡司嘉靖

中廢

西水寨

在易州西南八十里四面險絕惟一徑攀

援可上相近有姑姑窩寨

白虹寨

在易州西南三十里又種金寨冶理寨俱

在州西南五十里燕窩寨在州西南六十里白堡

寨在州西南一百里

堵牆寨

在易州西北三十里奇峰嶺東其相近有

白馬白壁龍門朝天諸寨

人安寨

在涑水縣北金山上又鐵葉寨在縣北龍

灣山天堂寨在縣北天堂山

窟龍寨

在廣昌縣西北三十里有洞扼其要路可

以避兵

對節寨

在廣昌縣南三十里以山木枝節相對故

名

清風店 在易州西五十里明外史巴延特穆爾出  
紫荆關石亨躡敗之於清風店

黃兒莊 在涑水縣西北一百三十里明置巡司今  
廢

冀州

田村堡 在冀州南四十里明嘉靖二十一年築有  
集

韓村堡 在冀州西南二十里又李家莊堡在州西

四十里謝家堡在州西北二十里

董家廟堡 在南宮縣東南七十里明置巡司久廢

圈子堡 在棗強縣西南二十五里與南宮縣接界

大營堡 在棗強縣南四十里達廣平府清河縣界

蕭張堡 在棗強縣北二十五里達衡水縣界又流

常堡在縣東北二十五里達阜城縣界

劉中堡 在武邑縣西南二十里又審婆堡在縣東

十五里趙橋堡在縣北三十里

張六堡 在衡水縣西二十里明嘉靖中築

留中堡 在衡水縣東二十里

劉固鎮 在冀州境九域志冀州有劉固鎮

長蘆鎮 在南宫縣北九域志南宫有長蘆鎮

寧化鎮 在南宫縣東北二十里金史地理志南宫

鎮寧化府志元設守禦所今廢

王霸寨 在南宫縣境相傳為王霸追斬王郎處

孫莊寨 在武邑縣東南二十五里府志元時邑人

孫姓者結寨於此

九柳樹村 在新河縣東相傳明太宗過此指九柳樹以為識因名

趙州

驃駒嶺口 在臨城縣西九十里

百尺溝口 在寧晉縣東北六十里有巡司

賈家口 在寧晉縣東二十五里又東五里有鋪頭

小河口

東驛頭堡 在高邑縣東南十里又武城堡在縣西  
十里韓家莊堡在縣北十里

奉城鎮 在寧晉縣金火地理志寧晉縣有奉城鎮  
鴉鴿營 在臨城縣東北有集

天臺寨 在臨城縣西北天臺山北接贊皇縣界其  
西又有青龍寨

鐵山寨 在臨城縣西鐵山又乞了寨在縣西南乞  
了山

毛兒寨 在隆平縣東四十里有集

換馬店 在寧晉縣西北二十里接趙州界

深州

劉木關堡 在饒陽縣東北十五里又段村堡在縣  
東南十八里鄒村堡在縣南十八里小堤堡在縣  
西十五里

子文店堡 在安平縣西二十里又馬店堡在縣西  
北二十五里新莊店堡在縣西南三十里



小范鎮 在武強縣東二十里

小營 在武強縣東北三十五里相傳金時曾建營於此

馬江店 在安平縣西南四十里又角邱店在縣西南三十里

傅家池集 在深州東南五十里舊受滹沱河水自河北徙池亦淤塞今名乾河崖明初置巡司於此  
今廢

鹽場莊 在深州南地鹹不生五谷

陸家莊 在深州西南金時戍守處河間公移刺衆

家奴所分地也

解村 在武強縣城北即光武渡河冰解處

定州

委粟關 在定州北唐書地理志定州有委粟故關

方輿紀要其相近有委粟山因名今廢

龍泉關 在曲陽縣西與阜平連界詳正定府

白道安口 在曲陽縣西北其西即阜平縣之狼牙口也方輿紀要自白道安口而東北歷岳嶺口小關城口夾耳安等口而接倒馬關

郎家莊堡 在曲陽縣北七十里又孝墓堡在縣西北十里又橫堤堡在縣南十五里又郃村堡在縣南三十里

承營 在定州境晉書載記太元九年後燕慕容楷追丁零翟正至於下邑正敗北趨中山屯於承營

續通典定州東南有承營塢

軍城砦 在曲陽縣北八十里北去倒馬關六十里

與唐縣接界宋置砦於此

詳保定府

張公砦

在曲陽縣北去軍城砦二十里高山聳峙

相傳昔有張公結寨於此故名又蓮花砦在縣西

北蓮花山上

清風店

在定州北三十里明置巡司今裁又明月

店在州南三十里

--	--	--	--	--	--	--	--

畿輔通志卷四十一

欽定四庫全書

史部

畿輔通志卷四十二

詳校官監察御史劉人睿

檢討臣德生覆勘

總校官進士臣繆琪

校對官中書臣范釐

謄錄監生臣桑英

欽定四庫全書

畿輔通志卷四十二

津梁

順天府

玉河橋 在正陽門內跨玉河之上燕都遊覽志玉  
河南北有三石梁明志玉河橋凡三一跨長安東  
街一跨文德坊一近城垣

華石橋 在正陽門內西



新橋 在東直門大街

大石橋 在崇文門內東南又東有泡子河橋

橫橋 在西直門大街

乾石橋 在宣武門內大街

象坊橋 在宣武門內西

馬市橋 在阜城門內大街又有北大橋俱在門內

北河漕

地安門橋 在地安門北鼓樓前

月橋 在地安門北海子南燕都遊覽志海子南岸  
有海子橋亦名月橋俗呼三座橋又萬寧橋在海  
子東跨玉河上流

東部糧橋 在地安門北迤東又西為部糧橋

銀錠橋 在地安門西北橋東西皆水多荷芰菰蒲  
南望宮闕北眺琳宮西矚城外諸峰遠近畢露

得勝橋 在得勝門內積水潭東燕都遊覽志潭水  
注橋下東行綠柳映坂縹萍泛波轉而南為藜光

橋古槐濃樾覆陰如罨畫

水關橋 在得勝門西長安遊記得勝門之西城垣  
有水關西山諸水從此流入都城水口為石犀以  
當之遏衝突緩水勢也

正陽橋 在正陽門外又崇文門宣武門外亦各有  
橋跨護城河上

三里河橋 在正陽門外東南明天順中建正德十  
二年重修

虎坊橋 在正陽門西南

三轉橋 在崇文門外東南三里

大通橋 在東便門外燕都遊覽志橋水從玉河中  
出波流演迤帆檣往來東達通州

草橋 在右安門外十里燕都遊覽志草橋衆水所  
歸種水田者資以為利十里居民皆蒔花為業有  
蓮池香聞數里

高粱橋 在西直門外半里跨高粱河上帝京景物

略水從玉泉來三十里至橋下夾岸高柳綠垂到底綠樹紺宇酒旗亭臺廣畝小池蔭爽交匝歲清明日遊人以萬計浴佛日重午亦如之

神虎橋 在西直門外雙林寺西二里帝京景物略  
橋四石虎萬厯中一夜逸去遂改今名

普濟橋 在廣寧門外

本朝康熙年建

青龍橋 在府西北三十五里長安客話甕山北五

里為青龍橋其西通金山口其北斜界百望山

盧溝橋 在府西南三十里跨盧溝河上金史河渠志大定二十七年以盧溝河為往來津要令建石橋明昌三年橋成長二百餘步賜名廣利并建東西廊以便觀望元火百官志延祐四年盧溝橋置巡檢司明志盧溝橋正統九年重修石欄刻為獅形每早波光曉月上下蕩漾為京師八景之一曰盧溝曉月府志橋當往來之孔道

本朝康熙元年發帑修築有巡司近設西路捕盜同知於此

廣濟橋 在府北三十里跨清河上明永樂中建

琉璃河橋 在良鄉縣南四十里琉璃河上明嘉靖二十五年建尚書雷禮有脩琉璃河橋堤記

長陽橋 在良鄉縣東北十里廣陽河上

寧遠橋 在固安縣城東濠上又城南曰迎薰西曰豐樂北曰拱極俱明嘉靖中建

南源橋 在永清縣南五十步明弘治中建今圯

大石橋 在東安縣南渾河上一名大通橋又西浮橋在縣西亦跨渾河上一名通濟橋

八里橋 在東安縣東罩馬河上渾河支流自六道口經此北入鳳河舊志大石橋之流為東川西浮橋之流為西川八里橋迤西之流為南川是為三川晉劉琨守此以拒石勒

永年橋 在東安縣東沽港中流明嘉靖三年建又



濟公橋在縣北七十里亦明嘉靖中建

南薰橋 在通州東關外稍南通惠河上為寶坻香

河大路俗名哈叭橋

南浦橋 在通州城南跨通惠河舊有閘

運糧橋 在通州舊城南關跨城河明萬曆中建

本朝順治十二年重脩

通運橋 在通州南張家灣城南舊名南門板橋後

圮明萬曆三十三年重建石橋

善人橋 在通州南張家灣城南之長店明萬曆中  
建

土橋 在通州南張家灣城北二里下通剝運明改  
建石橋

弘仁橋 在通州西南三十里渾河上舊名馬駒橋  
明天順七年改建賜名長二十五丈為洞九以醜  
水大學士李賢作碑記

永通橋 在通州西普濟閘東明正統十一年勅建

祭酒李時勉作記以去州治八里亦名八里莊橋  
為陸運京儲之通道

雙橋 在通州西十里與大興縣接界明文徵仲詩  
立馬雙橋日欲斜即此

通濟橋 在通州北關月城外舊為木橋明萬曆六  
年改建石橋俗名卧虎橋

虹橋 在通州東三十里明外史宣德三年車駕發  
京師渡潞河駐蹕虹橋

浮橋 在通州白河上明實錄洪武二十四年建浮  
梁於通州白河之上正統元年冬造通州白河浮  
橋以馬快船及預備運甌船為之州志浮橋舊在  
城東門外設把總駐守

本朝改移北門外淺處額設橋船五十隻

錯橋 在三河縣東五里一名草橋明宣德三年車  
駕駐蹕於此今圮

小河橋 在三河縣南門外洵河支流上東通錯橋

西達金鷄塘境接通薊為往來要道明正德十二年建大學士楊一清作碑記

漫漫橋 在武清縣東十里又南宮橋在縣東南三十里俱通運河

頓邱橋 在武清縣東南四十里有東西二橋亦通運河

王務橋 在武清縣東北十五里又扶頭橋在縣北二十里

海濱橋 在寶坻縣東門外又南門外橋曰廣川西

門外橋曰望都

石橋 在寶坻縣南五里又林亭口橋在縣東南四  
十五里

永安橋 在昌平州南門外

安濟橋 在昌平州鞏華城南二里南沙河上又朝

宗橋在鞏華城北北沙河上皆明正統十二年建

紅橋 在昌平州西南十五里昌平山水記州西南

有紅橋元文宗為燕帖木兒建祠立碑處也

永福橋 在昌平州西南三十五里榆河北又青龍

橋永寧橋三水橋俱在州西南

迎恩橋 在昌平州西北二十八里

史家橋 在昌平州東二十五里

疊翠橋 在順義縣北門外

北采橋 在順義縣東十八里又高郎橋在縣東二

十五里又魯各莊石橋在縣東北二十五里

超渡莊石橋 在密雲縣東四十里明萬曆六年建

巨馬河橋 在涿州北門外又胡良河橋在涿州北

十里俱明萬曆二年勅建高廣各二丈長三十餘丈皆甃以巨石錮以鐵定大學士張居正碑記

挾河橋 在涿州北二十五里明將軍王鏜建

范水橋 在涿州西門外

甘池橋 在房山縣西三十里西甘池村又長溝橋

在縣西南三十五里獨樹橋在縣西南四十里又



韓村河石橋在縣南二十五里

永濟橋 在霸州苑家口康熙三十三年

聖祖仁皇帝賜額

普濟橋 在霸州東門外又磚橋在州東四十里邊

家河上又安濟橋在州東南十五里栲老園

文明橋 在霸州南門外又迎恩橋在州北門外明

隆慶庚午知州田可徹易以磚石

蘇家橋 在文安縣北四十里與霸州接界

南趙扶橋 在大城縣東十二里又普濟橋在縣王

家口

龍石橋 在薊州東門外又豪家橋在州東二十里

馬伸橋在州東三十五里獻橋在州東南二十里

龍池河橋 在薊州南門外又永濟橋在州南五里

沽河上為往來要道明天順四年建萬厯三十三

年兵備道杜潛重修州人祭酒成憲作記

通濟河橋 在薊州西五里跨沙河上明宣宗實錄

三年駕至薊州駐五里橋進州官戒諭

龍家務橋 在平谷縣東五里又小碾頭橋在縣南

五里跨逆流河上

洩水橋 在平谷縣西門外明隆慶五年知縣劉愛

建又魯家莊橋在縣西十里高家莊橋在縣西十

五里

黎河橋 在遵化州南六十里元中統時建今河漸

北徙橋亦漸圯

五里橋 在遵化州西三更又王哥莊橋在州西南  
四十里俱明萬曆中建

垂楊渡 在東安縣東沽港之北下通靜海上達縣  
治因岸有垂楊故名

白龍港渡 在寶坻縣東二十里又八門城渡在縣  
東八十里

三岔口渡 在寶坻縣北十里

梁城渡 在寧河縣南一里又蘆臺渡在縣東南二

十里

月兒灣渡

在昌平州西南四十里即濕餘河

白楊渡

在大城縣東南十五里又十里灣渡在縣

南十里沿河上又縣東有姚渡迤北為臧莊渡

柏橋渡

在保定縣柏水橋舊志河水環繞行者病

涉岸有古柏忽倒直河中如橋可渡迄今相沿猶

稱名云

蕭各莊渡

在薊州南二十里

鹿渠渡 在平谷縣西夏秋之間以舟通渡冬則架木為梁無定所又東河渡亦在縣界

### 永平府

永濟橋 在盧龍縣西門外漆河上

灤陽橋 在盧龍縣西南十七里澈河上明洪武初建浮橋永樂後以舟渡今因之

三里橋 在遷安縣東三里河上明嘉靖十年建石橋三空又十里橋在縣東南十里道出盧龍

黃臺橋

在遷安縣西南五里黃臺山下近以沙流

決溢不時移於黃臺之南六七里冬春搭橋夏秋

舟渡

大寨橋

在遷安縣西北九十里灤河上舊為浮橋

今以舟渡

清河橋

在遷安縣北七十里又青龍橋亦在縣北

七十里

陽河橋

在撫寧縣西府志陽河橋凡七俱水淺則

設水泛則拆

渝河橋 在撫寧縣東二十里又海洋橋在縣東六

十里

李官營橋 在撫寧縣北三里

虹橋 在昌黎縣南八里金明昌中建

石橋 在昌黎縣西八里

梭頭灣橋 在昌黎縣西三十里又槐家店橋在縣

西五十里又柳河橋在縣西北三十里



巖山橋

在灤州南五里金大定間建一州水口也

沂河橋

在灤州西二十五里又州南二十三里有

龍塘橋

波落橋

在灤州南三十里又州南五十里有歇駕

橋

渝關橋

在灤州南五十里又通津橋在州南六十

里又公安橋在州南九十里

大海橋

在灤州西南九十里又州西南百里有龍

堂橋

唐山橋

在灤州西少南百二十里

古冶橋

在灤州西六十里又州西六十五里有石

牛橋

牯牛橋

在灤州西八十里相近又有雙橋又西五

里有馬家橋又榛子鎮有東五里橋西五里橋

布德橋

在樂亭縣東門外又南門外有阜民橋西

門外有悅澤橋

雙橋 在玉田縣東二十里雙城河上

亮水橋 在玉田縣東三十里當雙河下流兩岸陡

削中多淤泥舊建木橋以渡

本朝順治中改建石橋

廣濟橋 在玉田縣東南五里草橋屯又相近有水

濟橋

鴉鴻橋 在玉田縣東南四十里還鄉河上與豐潤

縣接界還鄉河至此合於黎水

采亭橋 在玉田縣西二十里名勝志金學士楊繪  
建邑人采亭其別字也

通順橋 在玉田縣東北五里卞家莊窩

還鄉橋 在豐潤縣西還鄉河上自昔高麗遼東往  
來要路也舊志宋徽宗北轅過橋駐馬四顧曰吾  
安得似此水還鄉也因不食而去

板橋 在豐潤縣東二十里

姑嫂橋 在豐潤縣西四十里沙河上

探海橋 在山海關南門外又東門外有登仙橋

石梯子渡 在盧龍縣西南十里又縣南十里有虎頭石渡東北三十里有念經河渡

瓜村渡 在遷安縣南十二里

蔡家莊渡 在遷安縣西十二里

稔子口渡 在遷安縣西北七十里

灤河渡 在昌黎縣西七十里

馬城渡 在灤州南十里又甯家莊渡在州東南二

十八里

浣流河渡 在樂亭縣西北二十里又縣西北十里  
有邊灤灣渡西十二里有馬家莊渡八里有李家  
莊渡西南十里有井家莊渡十八里有陳家莊渡  
皆灤河渡口也

洛沽渡 在玉田縣北十五里

保定府

天水橋 在清苑縣南門外跨一畝泉以自乾方來

象天一生水故名明弘治四年建

吳家灣橋 在清苑縣西南

仙人橋 在清苑縣東南十五里

大丹石橋 在清苑縣南二十里北大丹村跨石橋

河明嘉靖中建

本朝順治十七年重修

張登橋 在清苑縣南六十里張登店

方順橋 在滿城縣南五十里石空雕闌堅緻雄偉

隋開皇間建十五丈

北石橋 在滿城縣東北奇村西又中石橋在縣東  
南奇村西南石橋在南奇村南皆雞距一畝泉河  
之要津也

電河橋 在安肅縣北關外綠柳還堤激湍嚙岸有  
石獅二伏枕清流若睥睨狀

徐河橋 在安肅縣南三十五里

田村橋 在安肅縣北二十里水出平地三派分流



俗名雞瓜泉經柳灣入衛河明天順中建

時濟橋 在定興縣南四十里固城村北明成化間

建

昇仙橋 在新城縣南關相傳金時有人賣藥橋上

自號藥仙後飛昇去故名

龍堂橋 在新城縣西北十五里

堊上橋 在新城縣東二十五里

泗莊橋 在新城縣東南十五里又沙口板家窩來

家務等橋俱在縣東南

馬村河橋 在新城縣西三十里

狹流橋 在新城縣西北十二里又斗門橋亦在縣

西北

騰橋 在唐縣西三十里電水村南明萬曆中建柱

縱三行橫九行相去各七尺許長五尺寬一丈五尺

大夫橋 在博野縣西章村東明建又陶墟橋在縣

北又惠濟橋在縣南

淑人橋 在博野縣西章村西王淑人建因以名橋

荆城橋 在慶都縣東又東為候駝橋

曲家灣橋 在慶都縣西又有小西堤橋三堤橋皆

在縣西北

北水田橋 在慶都縣東北

白溝橋 在容城縣南三十里跨白溝河

黑龍口石橋 在容城縣南二十里又有土橋在黑

龍口西三里許

小李村橋 在容城縣西南十五里

新興橋 在完縣東十五里上通蒲水下會曲逆河

下流

下叔橋 在完縣南六里西通唐縣柳河北通伊祁

五雲山水總會之處

五郎橋 在完縣東北八里通蒲水

堯城橋 在完縣西南七里通祁水為下叔河上流

朝陽橋 在完縣西八里又西二里為東魏村橋

新橋 在蠡縣東北六十里

亞谷橋 在雄縣東六里

永通橋 在雄縣西一里橫渡白溝河明景泰中建

瓦濟橋 在雄縣城南關即古之瓦橋關也

詳關隘

月漾橋 在雄縣南十二里接河間府任邱縣界亦

曰易楊橋新安高陽諸水皆經流此府舊志明建  
文時成祖襲破都指揮楊松於雄縣時都督潘忠  
屯兵莫州成祖策其必來援命譚淵以千人度月

漾橋伏水中忠果來成祖擊之伏兵起據橋忠還  
不得渡遂被執

望春橋 在祁州東道通府城

通濟橋 在祁州南又南為唐河橋沙河橋滋河橋

湧泉橋 在祁州西又西為張村橋

雙鳳橋 在東鹿縣東南二十里賈伯戶村

太和橋 在東鹿縣東南二十里智邱堡相近有免

涉橋

草橋 在東鹿縣跨滹沱故道舊志河瀦水一灣極  
遡洄之致居人於兩岸多植槐柳隨勢之高下築  
屋每月望登橋四顧水光月影一片空明為新城

一景

無閘橋 在東鹿縣南十五里滹沱河水流經其下

大石橋 在安州南二十里

西安橋 在安州西十里明成化中建

安濟橋 在安州北關跨依城河元大定間建

長溝河橋 在安州東十二里

道岔橋 在高陽縣東南三十里

弘濟橋 在高陽縣南三十里許跨馬家河明景泰

中建名馬家橋正德中移建於橋西一里許更名

通濟嘉靖間遷建今所改名弘濟

東渡橋 在高陽縣東南二十里明崇禎六年建勢

極高聳遠望如長虹飲水

雲衢橋 在新安縣通秀門外



廣祐橋 在新安縣東南四里即閻家灣橋也跨渥

易河

長流橋 在新安縣西南五里濡瀉諸水合流經此

俗呼為大橋

三臺石橋 在新安縣西跨電河上明正德年間建

漕河渡 在安肅縣南二十五里

本朝順治三年造

河陽渡 在定興縣南十里涑易沙三河合流於此

當南北通津明洪武中置巡司萬厯中移固城鎮  
向陽渡口 在安州東十二里舊有土橋里民便之  
今廢

### 河間府

青陵橋 在府城東門外俗名百姓橋澗河之水自  
西南而注沙河之水自東南而注胥經流其下明  
隆慶間橋圯萬厯十八年復脩連亘六里許

瀛東橋 在河間縣東又瀛西橋在縣西俱明建

大慈橋 在獻縣東五十里槐家鎮為東西孔道明隆慶五年建

臧家橋 在獻縣北十里一名通濟橋

單家橋 在獻縣南十二里長三十丈濶三丈行旅通途也一名五節橋以明正德間有五女為寇掠死節橋下故名今置巡司

劉麟橋 在阜城縣北八里接交河縣界有鎮以劉豫子得名

中堡橋 在肅寧縣東三十餘里相近又有橋名曰

龍泉

東莊橋 在任邱縣東三十里滹水上長十有八大

縣南境之水俱由此達五官淀

趙堡口橋 在任邱縣北五十里趙堡口凡五座

本朝雍正七年

勅修

劉公橋 在任邱縣趙北口

本朝建

廣惠橋 在任邱縣有

聖祖仁皇帝賜額

北濟橋 在交河縣東北六十里

南濟橋 在交河縣南五里又縣東有東濟橋俱跨

漳水上又有西濟橋在縣西北李村河上

淮鎮橋 在交河縣東南

土橋 在寧津縣南十五里

王家口橋 在寧津縣西二十里又有宗家口紀家口李家口劉家口四橋俱在縣西三十里

廣川橋 在景州北郭惠民渠上又州北有向化橋

安陵橋 在景州東安陵鎮

王孝橋 在吳橋縣東十五里又高官莊橋在縣東南十五里又楊家橋在縣西十里亦曰一里橋

白橋 在故城縣南跨永濟渠唐元和中長河縣治此通鑑元和十二年橫海節度使程權討王承宗

軍於長河永宗遣軍入東光斷白橋路權不能禦  
引軍滄州

天津府

浮橋 有二一在府北天津關一在西沽

鴻溝橋 在府城西北隅明景泰三年建

安西橋 在府城西門外明弘治八年建

石橋 在府北三里

本朝順治十二年建

木門橋 在青縣西南三十里  
吳台橋 在縣西南  
三十五里

登瀛橋 在青縣西七十里

駕虹橋 在滄州城東關明萬歷中建

會通橋 在滄州舊城西沈家鋪州南諸水皆自此

北流入海

望海橋 在滄州東四十里  
又騎鯨橋亦在州境金

大定中建



登雲橋

在南皮縣學前明建

會川橋

在南皮縣南門西

砥柱橋

在南皮縣砥柱鎮

萬化橋

在南皮縣半壁店

韓家橋

在鹽山縣南十里又普惠橋在縣東南五

十里

通濟橋

有二一曰大橋在慶雲縣城東關南鬲津

馬頰二河之會一曰小橋在西關南胡蘇鬲津二

河之會

迴瀾橋 在慶雲縣東北五里

棗園橋 在慶雲縣東南三十里長里餘接海豐縣

界又跨虹橋在縣東南三十里俱跨獻河上

映波橋 在慶雲縣西三里跨鬲津河

北馬頭渡 在天津府城北河下又晏公廟渡在河

北

大直沽渡 在府東南一里

寶船口渡 在府東南五里府志明初命官往貨西域灣泊巨舟於此後撈一鐵錨甚巨即寶船所遺者故名

寇家口渡 在府東南十里

真武廟渡 在府城東北隅

楊柳青渡 在靜海縣北四十五里東去天津四十餘里自此渡上寒家樹抵

京師比天津差近舊志楊柳青地近丁字沽四面多植

楊柳故名

雙塘渡 在靜海縣南十五里

正定府

廣濟橋 在正定縣南門外滹沱河上每歲水泛時  
拆之渡以舟楫冬則復架明崇禎十一年改建板

橋永為民利

中渡橋 舊在正定縣南五里跨滹沱河上胡三省  
通鑑注中渡橋州人津渡之所也其上下流各有

渡故此為中渡方輿紀要宋熙寧九年程昉於此  
創繫浮橋元豐五年以轉運使周革言易以板橋  
至四五月防河即撤去權用船渡今廣濟橋即沿  
其制

雕橋 在正定縣城西十五里韓河上名勝志橋下  
有穴十數狀似雕鑿泉湧不息環流於城故名

洪口橋 在井陘縣東十五里綿蔓水上甘洵河來  
會於此又通濟橋在縣東北二十里亦跨綿蔓水

上

橫澗橋 在井陘縣東北二十里又趙村橋在縣東  
三十里普惠橋在縣北三里

石橋 在井陘縣東北五十里七里澗上為往來通  
道

平望鋪橋 在井陘縣東北十里接獲鹿縣界

蓮花橋 在獲鹿縣東南三十里又良政橋在縣東  
南五十里

金河橋 在獲鹿縣南三十里

文興橋 在靈壽縣東關明嘉靖癸未年建又建文

興亭於橋東

衡水橋 在靈壽縣東南木佛寺

吳橋 在元氏縣西南左村西北路通山西平定州

橋南有古塚水不能沒為懷陽八景之一

登封橋 在元氏縣西北楊村坡西路通井陘由此

可登封龍因名

金水河橋 在元氏縣西北三十里北埕村明萬曆

四十七年築

凌空橋 在欒城縣東門外一名東橋高三丈長十丈濶二丈金太和中建又橋南一里有四濟橋

本朝順治十四年建

惠政橋 在欒城縣西南二十里沙河上

本朝順治十三年建

永安橋 在欒城縣西十二里跨汶河上



冶河橋 在欒城縣北二十里為往來大道明嘉靖  
年建板橋冬架夏撤兩岸有橋房六間以貯橋木  
五龍橋 在平山縣東五里光祿山澗水上

本朝康熙十年重建

滹沱河橋 在平山縣東十里段柳鋪前

覺山石橋 在平山縣西覺山寺前

俯郃橋 在行唐縣城南跨郃河上

昇仙橋 在行唐縣西門外相傳五代時有仙人飛

昇於此又軍服嶠橋縣西北二十里許由曠西潁水上

昇通橋 在行唐縣東門外

王俄橋 在贊皇縣東南十三里

通濟橋 有二一在新樂縣南門外沙河上草橋也

冬架夏撤為往來要道一在曲陽縣南

廣濟橋 在新樂縣南馬頭鋪當木刀溝之下流其東一里有趙公閘明萬歷間建以防趙河澤之淺

涸

浴河橋

在新樂縣西南七里又畫壁橋在縣西四

十里畫壁村

通濟橋

在晉州南滹沱河上舊為草橋冬建夏撤

明崇禎六年改建板橋後河南徙橋亦移於洲頭

村仍名通濟

通衢橋

在無極縣南門外

昇平橋

在無極縣東門外又環水橋在縣西門外

紅板橋 在無極縣城東八里

泗水橋 在無極縣城東十二里

大陳橋 在無極縣東北十六里

滋河渡 在藁城縣北四十里

塌子口渡 在藁城縣西三十五里滹沱河渡口也

相傳光武定河北常渡此縣志滹沱河湍迅衝激不可為梁有渡口六馬村渡口在縣東二十里西里村渡口在縣東北十八里郝莊渡口在縣北八

里四公渡口在縣西北八里高莊渡口在縣西北  
十五里大張村渡口在縣西北二十里

北巖渡口 在元氏縣南北巖村北一里當泚槐下  
流路通高邑為往來要津舊設草橋明萬曆十年  
改建板橋

韓臺渡口 在元氏縣南舊名官橋頭槐水泛漲時  
設渡每秋冬用板橋以濟

紙屯渡口 在元氏縣路通贊皇泚槐二水合流處

順德府

豫讓縣 在府城內俗呼為板橋一名廣濟橋又名

鴛水橋

高莊橋 在府城東三里又有仙魚橋在府城東七

里俱跨達活水

樓下橋 在府東南十里跨百泉水

張公橋 在府西北其下即野河所經五代史晉王

存勗令兵攻邢州至張公橋

長明橋 在南和縣東門外又鳳畫橋在縣北門外

聚奎橋在縣小南門外

通濟橋 在南和縣東三十里張村西洺河上明弘

治五年建

澧水橋 在南和縣東四十里俗名土橋跨百泉水

舊止二門明成化二十三年知縣門寧廣為三門  
以殺水勢

宗義橋 在南和縣狼溝河上明萬曆十三年縣人

李宗義建因為名一名南寒橋舊志跨澧水而南  
為往來輪蹄之所又跨虹橋在南和縣小高村狼  
溝河上

寶村橋 在南和縣西十五里相傳元時引澧水經  
村溉田因建此橋

通類橋 在南和縣澧水神祠前

大通橋 在南和縣西北十三里

迴龍橋 在南和縣北六里



秀水橋 在南和縣東二十里圪疸頭村

煙雨橋 在南和縣路家莊

堤西橋 在平鄉縣東南五里

夏莊橋 在平鄉縣東北七里

竇二莊橋 在平鄉縣西北二十五里

女兒橋 在唐山縣西南十六里范解舖內

馬河橋 在唐山縣西六里又一在縣南十五里又

一在任縣北二十里

大寧橋 在唐山縣西北二十里大寧鋪

老僧橋 在唐山縣東北六里

南石橋 在唐山縣西南十五里

九龍橋 在內邱縣扁鵲廟前

乾石橋 在內邱縣南三十里

尹村橋 在內邱縣北二十五里泚水上當往來要

道

大宋橋 在任縣東南八里久圯

本朝康熙二十五年知縣王原祁重建

百泉橋 在任縣東南十里

澧河橋 在任縣東二十里

蔡河橋 在任縣北十里

澧水渡 在南和縣西十里舊志夾大行而東瀰漫

四五十里沙明水淨水多魚岸多柳抵秋水漲遠

水含空上下一白日暮時斷浦沉雲空山掛雨樵

人牧豎爭先過渡

魯亭渡 在內邱縣南十里相近有黃釜村渡又柳  
林渡在縣南十五里又東龐渡西龐渡俱在縣南  
二十里

青山村渡 在內邱縣西南二十里

廣平府

弘濟橋 在府城東五里亦名馬頭橋

廣濟橋 在府城南五里明嘉靖二十三年建亘以  
三洞繚以周闌跨滏陽河

西閭村橋

在府城西南十五里

賈葛橋

在府城西二十五里

洛河橋

在府城西北五十里

大營頭橋

在府城北三里大堤外又小營橋在府

東北二十里

張西堡橋

在府城東北十五里

長橋

在府城東南十二里唐書元誼據洛與王虔

休戰於長橋即此

安惠橋 在府城西南十里

普惠橋 在府城西十五里

東橋 在曲周縣東漳滏合流處

南橋 在曲周縣南又新寨橋在縣西南八里

劉莊屯橋 在曲周縣東北八里又馬疇橋在縣東

北十八里

滏陽橋 在曲周縣西十二里

東平橋 在鷄澤縣東門外又南門外橋曰南明西

曰西成北曰北拱

漳河橋 在鷄澤縣東十五里又相近有邢家橋于

家口橋

舊城橋 在鷄澤縣東南二十里

落西口橋 在鷄澤縣南二十里又林口橋在縣南

二十五里

田家橋 在鷄澤縣西南十五里

通固橋 在鷄澤縣西五里

通濟橋 在鷄澤縣西八里洺河上

永陽橋 在鷄澤縣西北又八里有河陽橋

芾棠橋 在廣平縣德化街

市橋 在邯鄲縣南門內名勝志邯鄲縣有市橋在  
南門內迴車巷西世傳趙王立橋於此令市者集  
於上其下有鐵柱鐵牛今無水橋亦湮

學步橋 在邯鄲縣北關跨沁河上

張莊橋 在邯鄲縣東南跨滏陽河上



護城堤橋 在成安縣南明萬曆二十九年建

界橋 在威縣北亦名袁公橋後漢書獻帝紀初平

三年袁紹破公孫瓚於界橋通典宗城有界橋亦

曰界城橋

迎薰橋 在威縣南門外

孔橋 在清河縣東南今廢

壘橋 在清河縣東北

滏河石橋 在磁州南一里金太和四年建

永濟橋 在磁州北門外明萬曆十三年建

梁王橋 在磁州北二十里

漳河渡 在府城南

洺水渡 在府城北二十里

渚河渡 在邯鄲縣南五里

大名府

楊家橋 在元城縣西北

長橋 在魏縣東郭龍化村外長十里以防漳水

申橋 在魏縣境

漳寧橋 在魏縣南郭外

清流橋 在南樂縣明嘉靖元年建

樂清橋 在南樂縣西四里明嘉靖間建

繁水橋 在南樂縣宋政和五年都水使者孟昌齡  
建

楊家橋 在清豐縣東一里

西河橋 在清豐縣西郭外

舊城橋

在清豐縣南三里

大河橋

在清豐縣北三里明嘉靖二十八年建

青雲橋

在東明縣學前明隆慶六年建

玉帶橋

在東明縣北門外跨漆河

吳勝橋

在東明縣東十五里又普河橋在縣東南

八里又周家橋在縣東南七十里

董家橋

在東明縣西十五里又楊家口橋在縣西

南十二里

石川橋 在開州東門外

浮翠橋 在開州東南五里洪洋山南

南溪橋 在開州東南八十餘里

廣濟橋 在長垣縣西門外

大通橋 在長垣縣東北二里許跨遠家河明萬曆

五年建

黃陵渡 在東明縣東南八十里

宣化府

報捷橋 在府城小東關外

承恩橋 在府城南昌平門外

通濟橋 在府城昌平門東明正統十年建

普濟橋 在府城南五里洋河上

長源橋 在赤城縣南門外

樣田河橋 在赤城縣東南漾田堡北四里

順濟橋 在赤城縣東北獨石城南三里

三橋 在懷來縣南媯河上

九宮口橋 在蔚縣東南四十里

渡口橋 在西寧縣東城東三十里

萬固橋 在西寧縣南桑乾河上地名余獻莊明弘治五年建石橋凡八空縱三十仞橫三仞有奇

新橋 在懷安縣東北三十里跨洋河又七里橋在縣西跨柳河

屠營橋 在延慶州東永寧城東五里跨龍灣河

孤山橋 在延慶州西十里跨媯河又通濟橋跨沽

河

青龍橋

在延慶州東南三十餘里跨澗河

廣濟橋

在延慶州南明嘉靖年建

香川橋

在延慶州宋時建

善人橋

在延慶州西十五里媯河上

鎮靜橋

在保安州西門外明嘉靖年建

武林橋

在保安州東南保安衛南四十里跨桑乾

河



桑乾河浮橋 在保安州境內凡六一在城西二十

五里上葫蘆堡一在城西二十里下葫蘆堡一在

城西十五里孤山村一在城西南五里梅家堡一

在南關外河神廟前一在城東南二十里百姓營

渠壩石橋 在保安州境內凡八一在城西十里左

所頭堡一在南門外關內一在南門內渠上一在

北關龍王廟前一在汪源屯後一在城東南二堡

一在城東北二里一在沙城堡中西二堡水門內

易州

鎮遠橋

在州西關外入韓信橋在州西十五里

明秀橋

在州東關明嘉靖二十二年建

迎恩橋

在州東關外

惠全橋

在州西關外明天順二年侍郎萬琪建

道欄橋

在涑水縣西跨道欄河明嘉靖中建

稻子溝橋

在涑水縣東接涿州界

拒馬河橋

在廣昌縣東門外

涑源橋 在廣昌縣東一里涑水環之故名明嘉靖  
中邑人高憲改建石橋

永安橋 在廣昌縣北門內

護城土堤 在州東明嘉靖間築

護城石堤 在州西明成化年築

冀州

草橋 在州城西南魏書世宗紀永平元年李平破  
元愉於草橋胡三省通鑑注橋在洚水上

石橋 在州南四十里田村堡

滄陽橋 在新河縣北三十里接東鹿縣界

衡漳橋 在衡水縣西半里明天順年建嘉靖年改

建石橋

郎子橋 在衡水縣西二十里相傳漢王郎嘗駐軍

於此

清水渡 在州西北明成化十七年建

趙橋津 在武邑縣北三十里漳河西岸

龍店津

在武邑縣北三十里

趙州

安濟橋

在州南五里汶河上俗名大石橋製造奇

特隋匠李春之跡也唐中書令張嘉貞有銘名勝志汶水東逕平棘縣南有石橋跨水濶四十步長

五十步

永通橋

在州西門外清水河上俗名小石橋

永濟橋

在州西三里跨清水河

秀水橋 在州南門外明天順二年建

恒南第一橋 在柏鄉縣南門外舊名濟涉橋

新溝橋 有二一在柏鄉縣北二十里鄆城南一在

高邑縣北五里新溝河上

槐水橋 在柏鄉縣北二里又西槐水橋在縣西北

內步村後明嘉靖五年建

海滋橋 在柏鄉縣西北五里

落薪橋 在隆平縣東北五里

老僧橋 在隆平縣東北二里跨老僧河上

棗駝村橋 在隆平縣東北三十里相近有獅子坑

塔橋

牛家橋 在隆平縣東十七里又馬欄橋在縣東二  
十五里相近有任村橋

白家寨橋 在隆平縣東二十七里又蓮子坑橋在  
縣東南二十五里

通濟橋 在隆平縣北五里又三便橋在縣北八里

安定橋 在高邑縣邱村西南

廣濟橋 在高邑縣北門外

東安橋 在臨城縣東門外

澄汶橋 在寧晉縣南門外

接瀛橋 在寧晉縣東門外

文橋 在寧晉縣東南隅百步許明建

安澤橋 在寧晉縣北門外

丁石橋 在寧晉縣南里許汶河上舊名丁橋又魚



臺橋在縣東十里劉陸橋在縣東十五里

鋪頭村橋 在寧晉縣東三十里滏陽河上又東五

里為白木村橋亦跨滏陽河正定府屬諸縣鹽劬  
俱於此起載

樊橋 在寧晉縣北門外舊志宋元間曰樊橋俗名  
草橋

武家莊橋 在寧晉縣西八里又及橋在縣西十五  
里俱在汶水上

歷城渡

在寧晉縣東通冀州新河等路

畢家渡

在寧晉縣南五十里即大陸涯東通山東

臨清

深州

下博橋

在州下博故城東跨胡盧河上五代史梁

乾化二年朱全忠侵晉冀攻蓿縣晉李存審軍趙  
州引兵扼下博橋出奇破之

化龍橋

在武強縣學門內通清水古井

劉志橋 在饒陽縣南二十五里今廢

閻家口橋 在饒陽縣東北十里又呂漢橋在縣東北二十里又劉木關橋在縣東北十三里

危渡口 在州東北四十里寰宇記光武自薊南奔王霸詭言冰堅可渡處

定州

孟良橋 在州南七里溝上通途所經也又趙莊石橋在州南五里

趙莊橋 在州南五十里

唐溪橋 在州北十里跨清水河上南接唐河元時

建

汶水橋 在曲陽縣東門外又狄水橋在縣東四里

臨漪橋 在曲陽縣南門外又羊村橋在縣南八里

又南二里有南河橋

登嶽橋 在曲陽縣西南門外

逆流河橋 在曲陽縣北五里又北十五里有青陽

觀橋又北二十里有牛家峪橋又澗谷橋在縣西北七里口頭橋在縣西北三十里

鷄鳴橋 在曲陽縣北三十五里

通濟橋 在曲陽縣南

永濟橋 在深澤縣西八里明萬曆時建長二十一丈又有普濟廣濟二橋亦在縣西俱跨滋水

唐河渡 在定州北九里路當南北要衝至冬架木為橋夏秋水漲則以舟濟

沙河渡 在定州東三十五里

五鹿津口 在深澤縣寰宇記在縣南十五里滹沱

河津濟處



畿輔通志卷四十二